

ordinis et coetus studia et opera ad hunc specialem finem dirigendo et provehendo prospiceret.

Nunc vero hæc Sacrorum Purpuratorum Commissio sub novis faustisque auspiciis Sanctæ Matis Ecclesiæ celesti Sponsò et Capiti perenniter junctæ et post brevem viduitatis luctum altero visibili sponso et capite juvenbe decoratæ, communia complurium Pastorum et fidelium vota humilesque preces Apostolicæ Sedî reverenter porrexit. Quas a subscripto Sacræ Rituum Congregationis Secretario relatas, Sanctissimus Dominus Noster Pius Papa X pro eo quo erga Deiparam Virginem studio et amore flagrat, benignissime excipiens indulsit ut, decurrente anno a proximo die festo Immaculatæ Conceptionis B. M. V. computando, die octava cujusque mensis, vel justis de causis, Dominica eam immediate sequente, in Ecclesiis aut Oratoriis ubi, approbante loci Ordinario, quedam exercitia pietatis fiant in honorem B. Mariæ Virginis Immaculatæ præparatoria quinquagenariis solemnibus enuntiata dogmaticæ definitionis, unica Missa votiva, sive eum cantu sive lecta, de ipsius Sanctissimæ Virginis Immaculata Conceptione celebrari valeat cum eisdem privilegiis quæ competunt Missæ votivæ solenni pro re gravi et publica Ecclesiæ causa juxta Decretum n. 3922 "De Missis votivis 30" Junii 1896, quæque concessa fuerunt Missæ votivæ de S. Corde Jesu pro prima feria sexta unius cujusque mensis ad normam Decreti n. 3712 "Urbis et Orbis" 28 Junii 1889 et subsequentium declarationum: ita ut hujusmodi Missa dicatur cum "Gloria" et "Credo" et unica Oratione, et dummodo non occurrat festum duplex primæ classis aut Dominica item primæ classis, aliquod festum ejusdem B. Mariæ Virginis, Feria, Vigilia aut Octava ex privilegiatis: in quibus solummodo commemoratio fieri poterit per Orationem Missæ votivæ post Orationem Missæ de die, sub unica conclusione.

Insuper eadem Sanctitas Sua supplici postulationi plene cumulateque satisfaciens hoc etiam liberater concessit, ut in præfatis Ecclesiis aut Oratoriis, præter memoratam Missam votivam qualibet die octava mensis vel Dominica proximi sequenti indultam, cæteris Missis tunc addi possit commemoratio Immaculatæ Conceptionis B. Mariæ Virginis ad instar